

拱袖也且其原上有古塚數處而主山近處有儒生禹成允之

墓葬之纔過三年而明堂則異矣前例雖有他墓之地若國用

則不計而用之矣故右二山圖形以啓○日暈○夜坤方有氣

如火○乙酉承旨成倫啓曰臣於昨日賓廳聞之三公等以為鄭

光弼於卜陵時忍用惡地今至於遷陵其罪重矣是以該官以

一罪照律矣今特末減而遂竄事曉諭中外則至當云故敢啓

傳曰依啓○派領中樞鄭光弼于金海府光弼到議所有詩云

生無復答君恩十登峻嶺雙垂淚三渡長江獨斷魂漢漢高峯雲歟墨茫茫大野雨龍盆暮投臨海東城外茅屋蕭蕭竹作門

○丙戌憲府啓曰考山陵時膳錄則穿金井時觀衆監提調禮

曹堂上承旨等同審事奉承傳壙中有石事啓稟時亦與之

同然其地之不可用亦必明知而忍用之固不可不罪特 命全

釋物論至為未便請並治罪徐後甲罪犯深重而派竄未久特

命放還至為未便遷陵雖是重事大抵罪犯關重之事不可

無端輕釋此弊一開窺覘者必多請速還收成命司諫院啓曰

徐後甲以遷陵事已 命放還後甲阿附朴氏恣行臆脅當初